

福建通志

第柒拾貳冊
名宦傳

福建名宦傳卷一

方志向立名宦一門所以勸牧民者也其雖非本省職官而有事功於本省者亦附列焉惟元明以前牧民者本籍與異籍之人並用元明以後則專用異籍者今方志既分省爲界名宦當專列異省之人本省之人既自有本傳詳其事實而舊志又另一傳載其本省宦蹟是一人而分二傳斷不可也至一人而宦數處其宦蹟亦當總歸一傳云

吳

賀齊字公苗會稽山陰人少爲郡吏守剡長建安元年孫策征會稽王朗奔東冶侯官長商升爲朗起兵策以齊領南部都尉事討之升畏齊威名送印綬求降張雅詹體等反共殺升齊以兵少任軍雅與女婿何雄爭勢兩乘齊令越人因事交構遂致疑隙阻兵相圖齊乃進討大破之雅彊出降侯官既平建安各處復亂賊洪明洪進苑御吳免華當五人率各萬戶屯漢興吳五姓六千戶別屯大潭鄒臨六千戶別屯蓋竹大潭同出餘汗

軍討漢興經餘汗齊以賊衆兵少深入無繼恐爲所斷令楊松長丁蕃留備餘汗蕃本與齊鄰城恥見部位辭齊乃斬蕃軍中震慄遂分兵留備進討明等連破之臨陣斬明餘悉降復立縣邑料出兵萬人拜爲平東校尉

三國志本傳

蔣欽字公奕九江壽春人孫策之襲袁術欽隨從給事遷西部都尉會稽東治五縣賊呂會秦等爲亂欽將兵討擊遂禽合狼五縣平定徙討越

中郎將

三國志本傳

鄭胄字敬先沛國人有文武資局少知名舉賢良稍遷建安太守呂壹害客於郡犯法胄收付獄考竟壹懷恨後密譖胄權大怒召胄還潘濬陳表並爲請得釋

三國志孫權傳注引文士傳

陸宏姑蘇人後漢廬江太守康之孫吳鬱林太守績之子爲南部都尉有惠政卒葬松溪之甌伏里民廟祀之宋隆興二年以神遏寇之功賜廟額曰齊美

一人于塗共至一處大石中忽然有門別是天地宮室嵯峨引入一室中陳書滿架其人曰此歷代史也又至一室則曰萬國志也每室各有奇書惟一室屋宇頗高封識甚嚴有二太守之華問故答曰此皆玉京紫薇金真七瑛丹書紫字諸秘籍指二大曰此龍也華愿觀諸室書皆漢以前事多所未聞者如三墳九邱檮杌春秋亦皆在焉華心樂之欲賃住數十日其人笑曰君癡矣此豈可賃地耶即命小童送出華問地名對曰瑯環福地也於是聞書據之列張華於職官之建安從事道光通志仍之然晉初建安尚爲吳屬迨平吳後華已爲尚書關內侯何從爲從事蓋張華者雷華之誤雷華事附張華傳中又適皆名華也建安屬福建故又附會爲瑯環福地今改正

嚴高太康三年爲晉安太守以寬惠得人心初治故都改築州城遷焉

志萬姓統緒
八閩通志

案八閩通志於晉安太守嚴高後尚有劉琨注云爲晉平太守然考宋

書晉平刺王傳宋明帝泰始四年始改晉安郡爲晉平郡現時僅有廣
州鬱林郡之晉平縣何得有晉平太守且詳攷琨傳一生事蹟多在二
晉並未至江南元帝稱制琨僅遣溫嶠勸進斷無爲福建郡守之事晉
平必山西晉陽等字之誤又考宋書長沙王傳元徽間有劉琨爲晉平
太守更因同名致誤今削之

林祿字世蔭中州人其先居下邳梓桐縣祿官散騎常侍

一作黃門侍郎

扈從元

帝渡江遷晉安太守封晉安郡王遂家焉爲閩中林氏始祖子景

林邵州遺集續

慶圖見素文集未軒文集

案榕鄉風味云舊譜稱晉南渡時有超遠將軍名祿守合浦左遷溫陵
今晉江將軍之墓存焉此與邵州集頗不同錄備參攷

王彬字世儒丞相導從弟預討華軼以功得侯愍帝召爲尙書郎道險不
就遷建安守爲人樸素方直乏風味之好雖居顯位布衣蔬食仕終尙書

右僕射卒諡曰肅

闕書

三
品書子定尊晉宋

危京固始人永嘉之亂率鄉人避兵者來刺建州在官十六年而卒葬武

夷石鼓村

書

陸邁字功高吳興人器識清敏風檢澄峻晉時曾爲建安吳興令嘗請王

敬儒開闢西巖嶺累遷振威將軍尙書吏部郎

浦城縣志

案祖之望云前志俱失載惟西巖嶺注云晉王欽儒吳興陸邁嘗遊此
今據太平寰宇記邑圖及萬姓統譜補入

宋

華瑾之元嘉初任建安太守自溪南覆船山徙州治於黃華山下

書

阮彌之江左人元嘉中爲昌國太守

昌國卽晉安郡改名

昌國初爲蠻地俗不知學

彌之教稼穡興學校家有詩書市無鬪鬪平洞夷海寇之亂有鶴常棲於

衙宇人以爲祥文帝遣散騎常侍袁渝至昌國觀察吏治渝數稱仁聲惠

政上欲召用後聞上殺檀道濟嘆曰社稷之臣也使我在左右必不使上

有此失也竟以憂卒謚忠惠郡人神而祠之

三山志道光舊志

虞愿字士恭會稽餘姚人元嘉末爲國子生元徽初出爲晉平太守在郡不治生產前政與民交關質錄其兒婦愿遣人於道奪取將還立學堂教授郡出蝻蛇膽可爲藥有餉愿蛇者愿放二十里外山中一夜蛇還床下復送四十里外山經宿復還愿更令遠海邊有越王石常隱雲霧相傳云

清廉太守乃得見愿往視清微無蔽

齊書本傳

江淹字文通濟陽考城人宋元徽初建平王劉景素鎮京口淹爲鎮軍參軍領南東海郡丞以事忤景素言于選部黜爲建安吳興令政尙文雅愛邑山水奇秀嘗言碧水丹山珍木靈草皆平生所至愛不覺行路之遠選勝探奇悠然獨往或日夕忘歸簿書之暇以著述自娛在邑三載有渡泉嶠遷陽黃檗山諸詩草木頌十五首

南史文通自序傳
閩書浦城縣志

案吳興今浦城淹入梁然爲令在宋時舊志作梁代誤

王秀之字伯奮琅邪臨沂人起家著作佐郎太子舍人元徽閒繼虞愿爲晉平太守與朝士書曰此郡承虞公之後善政猶存遺風易遵差得無事

福建名宦傳

又謂人曰此邦豐壤祿俸常充吾山資已足豈可久留上表以母老請代

人謂王晉平恐富貴歸鄉晉書本傳

齊

丘仲起字子震吳興人建元初爲晉平郡清廉自立褚淵歎曰見可欲心

能不亂此楊公所以遺子孫也用齊書沈憲傳

何胤何胤字子季廬江濰人師事南齊劉瓛受易起家齊秘書郎出爲

建安太守爲政有恩信民不忍欺每以禮故因還家依期而返梁書本傳

陶季直丹陽秣陵人齊明帝時爲驃騎將軍兼尚書左丞遷建安太

守政尙清靜百姓便之梁書本傳

王僧孺字僧孺東海郟人起家王國左常侍太學博士尙書僕射王晏子

得元出爲晉安郡以僧孺補郡丞除侯官令建武初有詔舉士始安王遙

光表薦曰前侯官令東海王僧孺理尙棲約思致悟敏云云梁書本傳

梁

江禧字彥標濟陽考城人爲建安內史視事朞月義師下次江州遣軍朔將軍劉設之爲郡禧帥吏民據郡拒之及建康城平坐禁錮後起至伏波將軍晉安內史在政清約務在寬惠吏民便之

梁書本傳

范縝字子真南鄉舞陰人起家齊甯蠻王簿義軍至縝與高祖有西邸之舊迎之及建康城平以縝爲晉安太守在郡清約資公祿而已視事四年徵爲尙書左丞

梁書本傳

何敬容天監中爲建安守清白有美績

八閩通志

到

八閩通志作劉誤

縝字茂灌彭城武原人出爲建安內史故與樂安任昉相善

所贈助斑竹杖而已昉復寄詩求二彩段縝答詩曰余衣本百結閩中徒八閩假令金如粟詎使廉夫貪縝清白自修性率儉冠履十年一易朝服或至穿補

書

劉設字仲翔相人梁武帝每選長吏務簡廉平到縝爲建安內史設與同

日出爲晉安太守並以廉潔著名

閩書

羊侃字祖忻泰山梁甫人梁中大通六年出爲雲麾將軍晉安太守閩越俗好反亂前後太守莫能止息侃至討擊斬其渠帥陳稱吳滿等於是郡內肅清莫敢犯者

梁書本傳

王儉字公會瑯邪人武帝末年由太子中舍人出爲建安太守山陰方善謝稀聚徒依險屢爲民患儉潛設方畧率衆平之

梁書王儉傳

謝朓梁末守建安郡爲寇所焚因遷治溪西有惠政郡民悅之

八閩通志

謝朓字含茂陳郡夏陽人起家梁秘書郎遷太子中庶子出爲建安太守入陳度嶺之晉安依陳寶應世祖前後頻召之嶠嶇寇虜不能自拔寶應平方詣闕御史劾之世祖不加罪

陳書本傳

陳

蕭乾字思惕蘭陵人子範之子十五舉明經釋褐永定元年除給事黃門侍郎時熊曇朗在豫章周迪在臨川留異在東陽陳寶應在建晉共相連結中家帥往往立誓自保高祖令乾往使乾至曉諭皆帥衆歛附就除

貞威將軍建安太守天嘉二年寶應出冠臨安因逼建安乾單使臨郡素
無士卒力不能守棄郡以避關中守宰並受迫脅乾獨不爲屈寶應平乃
出詣都督章昭達帝聞嘉之超授五兵尚書

陳書本傳

陸子隆字興世吳郡人天嘉四年隨章昭達踰嶺討陳寶應軍至建安以
子隆監郡寶應據建安之湖際以拒官軍子隆與昭達各據一營昭達先
與賊戰不利亡其鼓角子隆率兵來救大破賊徒盡獲昭達所亡羽儀甲
仗晉安平子隆功最遷假節都督武州諸軍事

陳書本傳

孫瑒字德邁吳人少倜儻好謀畧留異反詔瑒督舟師進討異平遷鎮石
將軍頃之出爲建安太守

陳書本傳

譚瑱始與人留異偕陳寶應以閩叛瑱率舟師討之天嘉五年俘寶應於
晉安并擒異以功擢晉安太守

陳書

章昭達字伯通吳興武康人永定四年周迪寇臨川以昭達爲都督迪退
走昭達仍踰嶺賴于建安以討陳寶應寶應據晉安建安二郡之界立水

柵以拒官軍昭達與戰不利因據其上流命軍士伐木帶枝葉置筏施拍其上綴以大索相次列營夾于兩岸寶應數挑戰昭達接甲不動俄而暴雨江水大長昭達放筏衝突水柵盡破又出兵攻其步軍方大合戰會余孝頃至并力乘之寶應大潰遂克閩中

陳書本傳

徐敬成安陸人度子隨章昭達征陳寶應有功除貞威將軍

陳書本傳

程文季字少卿新安海甯人靈洗子陳寶應與留異連結文帝遣余孝頃

自海道襲晉安文季爲前軍所向克捷寶應平文季戰功居多

陳書本傳

吳慧覺秦郡人明徹子歷官建安內史章大寶反慧覺拒之累攻不克大

寶平以功授豐州刺史

陳書吳明徹傳章昭達傳

鄭萬頃滎陽人通達有材幹仕北周爲司城大夫至德中與司馬消難奔

陳拜散騎常侍昭武將軍豐州刺史在州有惠政吏民表請立碑詔許焉

陳書南康愍王傳

隋

劉弘字仲遠彭城人以功加上儀同封漢澤縣公拜泉州刺史會高智慧作亂以兵攻州弘城守百餘日救兵不至前後出戰死亡大半糧盡無所食與士卒數百人煮犀甲腰帶及剝樹皮食之一無離叛賊知其饑餓欲降之弘抗節彌厲賊悉衆來攻城陷爲所害文帝聞而嘉嘆者久之使子長信襲其官

書

來護兒字崇善江都人從楊素擊高智慧于浙江破之智慧將逃于海護兒追至泉州智慧窮蹙遁走閩越進位大將軍除泉州刺史時有盛道延擁兵作亂侵擾州境護兒進擊破之進位柱國

書

楊素字處道弘農華陰人事隋文帝官至上柱國御史大夫封越國公浙江賊帥高智慧自號東揚州刺史船艦千艘屯據要害兵甚勁素擊破之智慧逃入海素躡之從餘姚泛海起永嘉智慧拒戰素擊走之智慧遁守閩越素以餘賊未殄又自請行乃下詔令素乘傳至會稽先是泉州人王國慶南安豪族也殺刺史劉弘據州爲亂諸亡賊皆歸之自以海路艱阻

非北人所習不設備素泛海掩至國慶追還棄州而走餘黨散入海島或

守溪洞素分遣諸將水陸追捕乃密令人謂國慶曰爾之罪狀計不容誅

唯有斬送智慧可以塞責國慶於是執送智慧斬於泉州江南大定

隋書本傳

史萬歲京兆杜陵人少英武善騎射官至上儀同領車騎將軍及高智慧

等作亂江南以行軍總管從楊素擊之萬歲率眾二千自東陽別道而進

踰嶺越海攻陷溪洞不可勝數前後七百餘戰轉鬪千里寂無聲問者十

旬達近皆以萬歲爲沒萬歲以水陸但絕信使不通乃置書竹筒中浮之

於水汲者得之以言於素素大悅上其事高祖嗟嘆還拜左領將軍

隋書本傳

王擲不知何許人有將帥才高智慧反攻討有殊績官至柱國

隋書劉方傳

歐陽祐洛陽人爲泉州守義甯二年任蒲西歸至邵陽聞隋亡挈家自溺

大乾山河中土人歛葬之並祠祀焉

書

穆肅江南人仕隋爲汀州刺史任滿歸朝道經將樂聞唐受隋禪義不事

二姓赴金谿潭水死其尸逾月不去邑人義而葬之

蕭深谷文集

案輿地紀勝唐開元十三年始置汀州則汀州在隋爲晉安郡肅爲其郡刺史後人以今所名州目其官因曰汀州刺史云

